

Charvaice 11. X. 1925.

A. 28 ———

Illustre domino praesidente!

In primis me age ad Vos multo gratias pro magno dono de quasi completo, Discussiones de APD, Tomo I-IV, pro ullo publicatione de consocios et Interlingua (100) et APD IV (75.) Me scribe promisso manuale de Interlingua. Illo consistit de practico lectiones, parte de moderno conversationes, parvo chrestomathia et tabella de verbos irregulare. Me vol, ut omni, qui eme meo libello, facile et in modo perfecto discat secundum dato possibilitate moderno latino ut lingua totale vivo. Ad isto scopo me da regula de Interlingua, monstrante per exemplos de latino classico et moderno linguas neolatino logico evolutione de omni forma de I. Sequit plures exemplos, sufficiente magno numero de frasi et ut fine de omni lectione, collectione de tale chec vocabulos, origine de que es latino. Conversationes tracta de themes utile moderno (theatro, poesa, arte, librario etc.) ut es ad

omni evidente, quod latīno potē exprime omni idea
moderno in modo perfectō et vere internātionale.

Tabella de verbis irregulare da omni derivatione de
illos, que vive in meo lingua materno. Isto parte de
meo labore i es ad meo compatriotā utilissimo, nam
ultra magno parte de vocabulos chec-latino deveni
de verbis irregulare. Me ipso debe confite ad vos, quod
isto labore aperi ad me interessante conspectū in meo
lingua natale. Es novo, laeto labore. Toto labore potē
es finito dum octobre, si me resta sano. Textus de parvo
chrestomathia es translato in chec et consistē de articulo
de domino D^r Holovrat, de utilitate de I. in A P I, de vestro
historia de lingua internātionale, etc. et de labore originale
de me et traductiones de optimo moderno chec scriptores. Ut
fine de isto labore es articulo de organizatione de A P I et
sectione de illo U P I. Si vos habe ancora ullo desiderio,
scribe ad me, ut me potē realiza illo ante fine de labore.

Me i gaude, si consocios in alio stātus vol fac labore simile
ei per illo da possibilitate ad suo compatriotas de disce
pulerō latino. Vocabulo, "preto" es errore: français prêt.
In nostro lingua habe y ei i prope idem sonitū, solo in
dialectos homo pronuntia y uī vasto a^e, e^a in Moravia
v. g. Hanakos: bel = byl, Slovacos bol = byl ei chodos bul.
Nos pronuntia byl = fuit ei bil = cecidit, ambo uī bil.
Recto chec pronuntiatione es sufficiente difficile; v. g. ě non es
r + š celere pronuntiatō, sed speciale forma de palatale r;
plure difficultate es l ei r sine vocale: v. g. vlk - lupus, non
es velk, uī extraneos pronuntia, sed proprio sonitū de vasto l.
Simile smrk - pinus, non es smerk! Multitudine de consonante
da ad nostro lingua acre sonitū: mlŕvj - motus, trŕst - éclatement etc.
Nostro h ei ch (deuŕch halle, ach: jauchzen) es etiam pro Serbos
difficile ei illos pronuntia saepe nostro hřbitov - cimeliere uī chřbitov.
Ad me era ante annos in simile modo difficile arabo ħ et ḥ
nahla ei nahla; ħ es simile ad hispano j sed plus acre ei
ħ fi pronuntiatō per forte compresso fauce. Etiam ʿ ain ei

emphatico h, d, i, s es pro nos difficile. Ante duo annos doceba me uno docto quuzino de Caucaso suo lingua natale et saepe habe cordiale riso, si me non potui pronuntia recte diverso, "h" sonos. Me lege et intellige libros italiano, sed me es certo, quod omni Italo trova meo pronuntiatione falso, nam me non habe occasione de loque italiano et de exerce me, secundum pronuntiatione audito de vero Italiano.

Si periodicos in Hungaria et Jugoslavia (Royaume S. H. S.), cum que me nunc tracia, consenti, me vol scribe articulos de J. in magyar et serb, nam me sci ambo lingua in modo perfectio et vol proba quaere novo socios illi, nam me jam non spera in dominos, quem me habe usque ad nunc invitato ad collaboratione. Me es sufficiente juvene, sed pleno ses anno de vita militare dum bello habe rapto multo de meo sanitate et me non pote perde plure tempore per lute negativo correspondentia cum illos, qui, non pote fac de plus" dum vos et domino directore ing. Lanesi fac superhumano labore. Me i quaere et fac socios novo et labora cum illos pro bono in posteriores, edificante UPT et forte APT, super basi de J. Me ama et aestima vos et domino Lanesi sincere et profunde, ut meo proprio fratre et fratre, nam vos es nobile homines, qui vol et fac. Solo tale homines es pioniro de futuro. Qui vol dormi, bono deo dona ad illo suave somnios! Esto ad nos ancora longe, vere longe vivo, sano et forte. Vestro vita et actione es ad nos ultra necesse.

Cordiale salutationes de vestro

D^r Jindřich Třma.